



MINISTRY OF COMMUNICATIONS
AND MULTIMEDIA MALAYSIA



SIARAN MEDIA

11 FEBRUARI 2020
UNTUK SIARAN SEGERA

FORUM FASIH DIGITAL PUPUK ETIKA SIBER DAN PERKASA DAYA TAHAN WARGA DIGITAL MALAYSIA

Sempena Hari Keselamatan Internet (Safer Internet Day-SID) 2020 – Edisi Malaysia

PUTRAJAYA (11 FEBRUARI 2020) – Perasmian sambutan **Hari Keselamatan Internet** atau **'Safer Internet Day'** ringkasnya **SID 2020 – Edisi Malaysia** hari ini disempurnakan oleh YAB Timbalan Perdana Menteri Malaysia, Dato' Seri Dr. Wan Azizah Dr. Wan Ismail di Putrajaya.

Sambutan Hari Keselamatan Internet 2020 – Edisi Malaysia ini diterajui oleh CyberSecurity Malaysia, agensi pakar teknikal keselamatan siber dengan sokongan Kementerian Komunikasi dan Multimedia Malaysia (KKMM) bersama rakan-rakan strategik terdiri dari sektor awam, organisasi swasta, institusi pengajian tinggi serta NGO yang turut melestari agenda keselamatan siber di Malaysia.

Sambutan global tahun ini yang diraikan secara serentak di 150 buah negara seluruh dunia jatuh pada tanggal 11 Februari 2020 bertemakan *"Together for a better Internet"*, manakala tema sambutan Edisi Malaysia adalah "Fasih Digital" (*Digital Fluency*) yang merupakan salah satu dari sembilan elemen Konsep Kewarganegaraan Digital.

Sempena sambutan SID 2020 – Edisi Malaysia, Forum SID 2020: "Memupuk Fasih Digital Dalam Abad Ke-21" (*Fostering Digital Fluency in the 21st Century*) diadakan bertujuan untuk meningkatkan kesedaran pengguna Internet mengenai ancaman keselamatan siber; memperkenalkan konsep Fasih Digital bagi meningkatkan pengetahuan pengguna Internet dalam memupuk sikap positif dan beretika ketika menggunakan Internet serta aktiviti dalam talian. Selain itu, forum ini turut mengukuhkan jalinan kerjasama awam dan swasta dalam mempromosi agenda keselamatan siber di Malaysia.



Securing Our Cyberspace



T +603 8800 7999
F +603 8008 7000
H 1 300 88 2999

CyberSecurity Malaysia
(726630-U)

Corporate Office:
Level 7, Tower 1
Menara Cyber Axis
Jalan Impact
63000 Cyberjaya
Selangor Darul Ehsan
Malaysia.

www.cybersecurity.my

Lebih 400 peserta terdiri dari warga Kementerian, agensi kerajaan, organisasi di sektor swasta, wakil industri, ahli akademik serta pelajar institusi pengajian tinggi, pertubuhan bukan kerajaan (NGO), organisasi berasaskan komuniti dan murid-murid sekolah hadir pada forum ini.

Antara ahli paneli yang terlibat ialah Prof Dr. Mohamad Fauzan Hj. Noordin, Ketua Kluster Keselamatan Siber, Yayasan Pencegahan Jenayah Malaysia (MCPF); Tuan Haji Shafrudin bin Haji Ali Hussin, Pengarah Bahagian Sumber dan Teknologi Pendidikan (BSTP), Kementerian Pendidikan Malaysia; Datin Dr. Norrizan Razali, Pakar Kewarganegaraan Digital dan Pengasas Tech Capacity Sdn.Bhd; Philip Oh Ling, Ketua Kelestarian (*Sustainability*), Digi Telecommunications Sdn.Bhd; Ally Iskandar Mohd Mardzi, Pengacara dan Hos, Media Prima. Forum dikendalikan Lt Kol Mustaffa Ahmad (Bersara) C|CISO, Naib Presiden Kanan, Bahagian Outreach dan Pembangunan Kapasiti, CyberSecurity Malaysia.

Pada majlis yang sama, Buku “Mendidik Anak-Anak Digital” terbitan CyberSecurity Malaysia turut dilancarkan oleh Yang Amat Berhormat Timbalan Perdana Menteri. Buku terbitan tempatan ini memuatkan informasi mengenai panduan mendidik anak-anak mengenai bidang keselamatan siber yang harus digembeling oleh semua pihak agar generasi muda dapat memiliki ilmu serta kesedaran untuk menjadikan etika siber sebagai budaya hidup. Isi kandungan buku turut memaparkan jenis-jenis ancaman siber yang mampu mengancam keselamatan kanak-kanak seperti buli siber, antun siber, ketagihan Internet, jenayah siber dan ancaman media sosial. Ia sesuai dijadikan rujukan bagi mereka yang mengendalikan kanak-kanak di lingkungan usia 4 hingga 6 tahun.

Mengenai Hari Keselamatan Internet ‘Safer Internet Day’ (SID) 2020

Hari Keselamatan Internet peringkat global bermula pada 2004 oleh InSAFE European Union (EU), Brussels, Belgium. Disambut setiap tahun di lebih 150 negara seluruh dunia pada hari ke-dua, minggu ke-dua, bulan ke-dua bagi mempromosi penggunaan Internet yang lebih selamat; memupuk serta meningkatkan kesedaran terhadap keselamatan siber terutama dalam kalangan pengguna Internet agar mereka menjadi warga digital yang lebih bertanggungjawab apabila menggunakan teknologi dan peranti digital.

Mengenai ‘Fasih Digital’

Fasih Digital merupakan proses memahami teknologi serta penggunaannya. Melalui Fasih Digital, pengguna Internet dapat berinovasi, berkolaborasi, berkomunikasi, berkeaktiviti dan berfikiran kritis dalam talian bagi mewujudkan persekitaran siber yang positif, kondusif dan

selamat. Melalui Fasih Digital, pengguna Internet akan lebih memahami penggunaan teknologi dan seterusnya cenderung untuk membuat keputusan yang lebih bijak serta dalam masa yang sama dapat pula mempengaruhi pengguna Internet yang lain supaya bertindak secara positif di samping mengamalkan nilai etika dan sahsiah diri yang tinggi.

Aktiviti Hari Keselamatan Internet 2020 – Edisi Malaysia

Seni Lukisan ‘Doodle’

- Seni lukisan ‘Doodle’ dibuat secara *‘freehand’* dengan melakar corak atau abstrak yang terlintas di fikiran pelukis dengan gaya tersendiri secara santai dengan maksud yang tertentu. Keunikan karya seni ini diguna pakai untuk menterjemahkan konsep Fasih Digital yang merangkumi lima elemen iaitu Kesedaran Siber, Komunikasi, Pemikiran Kritis, Kreatif, dan Kerjasama. Melalui seni lukis ini, mesej-mesej keselamatan siber dapat disalurkan kepada warga digital agar mereka dapat memahami ciri-ciri untuk menjadi individu yang beretika dan positif. Seni lukis ‘Doodle’ dihasilkan oleh 10 pelajar Doktor Falsafah dan Sarjana dari Fakulti Rekabentuk dan Senibina, Universiti Putra Malaysia (UPM).

Pembelajaran Interaktif

- Aktiviti bercorak interaktif serta tayangan video pendidikan berkaitan keselamatan siber oleh DiGi Telecommunications ini berkonsepkan “Yellow Heart” yang dibahagikan kepada dua sekyen iaitu:
 - i. Seksyen 1 – Permainan interaktif “*Find the predator*”
 - ii. Seksyen 2 – Tayangan Video Pendidikan “Digi CyberSAFE”

Selain ianya berkonsep pembelajaran dan permainan secara interaktif, objektif keseluruhan aktiviti ini adalah untuk meningkatkan kesedaran keselamatan siber melalui penggunaan peranti digital.

~ Tamat ~

Dikeluarkan oleh Jabatan Outreach dan Komunikasi Korporat, CyberSecurity Malaysia.
Untuk maklumat lanjut, hubungi media@cybersecurity.my atau +603-8800 7999
Mohd Shamil Mohd Yusoff (ext: 7237) / Zul Akmal Abdul Manan (ext: 7242)